



Nýr Landspítali staða framkvæmda og fréttir af verkefninu

- **Heilbrigðisráðherra, Willum Þór Þórsson, tók fyrstu skóflustunguna að nýju bílastæða – og tæknihúsi (BT húsi) Nýs Landspítala**
- **Viðurkenningarskjöldur vegna BREEAM umhverfisvottunar sjúkrahótsins afhjúpaður**
- **Starfsmenn ráðgjafafyrirtækisins LAdvice frá Svíþjóð heimsóttu framkvæmdasvæðið**
- **Fulltrúar frá félagasamtökunum Spítalinn okkar heimsóttu framkvæmdasvæðið**
- **Uppsteypa meðferðarkjarna**

Heilbrigðisráðherra, Willum Þór Þórsson, tók fyrstu skóflustunguna að nýju bílastæða – og tæknihúsi (BT húsi) Nýs Landspítala



Útlitsmynd á bílastæða – og tæknihúsinu (BT) húsinu



Skóflustunga tekin að nýju og glæsilegu bílastæða – og tæknihúsi.

Frá vinstri: Pórana Elín Dietz frá HÍ, Pétur Guðmundsson Eykt, Willum Þór Þórsson heilbrigðisráðherra og Rannveig Rúnarsdóttir LSH.

Þann 19.maí tók heilbrigðisráðherra, Willum Þór Þórsson, fyrstu skóflustunguna að nýju bílastæða – og tæknihúsi (BT) húsi Nýs Landspítala.

Auk þess tóku þátt í skóflustungunni Pétur Guðmundsson stjórnarformaður Eyktar og einnig fulltrúar starfsmanna frá HÍ og LSH, þær Rannveig Rúnarsdóttir LSH og Pórana Elín Dietz HÍ.

Nýtt bílastæða- og tæknihús verður um 19.000 fermetrar að stærð með um 500 bílastæði. Auk þess eru um 200 hjólastæði í húsinu en einnig eru 180 bílastæði í bílakjallara við meðferðarkjarnann fyrir sjúklinga og aðstandendur. Stefnt er að því að húsið verði tilbúið 2024.

Willum Þór Þórsson heilbrigðisráðherra: „Það er ánægjulegt að enn bætast við byggingar sem eru á framkvæmdastigi hér í þessari mikilvægu uppbyggingu við nýjan Landspítala. Vel hefur tekist til hér við framkvæmdir á svæðinu og bílastæða – og tæknihúsið er áfangi á þessari vegferð að nýjar byggingar hér á svæðinu myndi eina heild.“

Gunnar Svavarsson framkvæmdastjóri Nýs Landspítala: „Jarðvinnu á rannsóknahúsinu er lokið og nú strax hefst nýr áfangi við jarðvinnu á bílastæða – og tæknihúsinu. Eftir alútboð var samið við Eykt um bæði hönnun og verkframkvæmd og markar því dagurinn í dag eitt af mörgum mikilvægum skrefum í hraðri uppbyggingu hér við Hringbraut.“

Viðurkenningarskjöldur vegna BREEAM umhverfisvottunar sjúkrahórelsins afhjúpaður



Sólrun Rúnarsdóttir hótelstjóri sjúkrahórelsins við viðurkenningarskjöldinn

Nýlega var afhjúpaður viðurkenningarskjöldur vegna BREEAM umhverfisvottunar á sjúkrahótelinu við Hringbraut. SPITAL hópurinn sá um skipulagsgerð og forhönnun sjúkrahórelsins og var hönnun hússins vottuð samkvæmt alþjóðlega BREEAM umhverfisvottunarstaðlinum og hlaut húsið hæsta skor sem gefið hefur verið út á húsi hér á landi. Gunnar Svavarsson, framkvæmdastjóri Nýs Landspítala, leiddi athöfnina og auk þess voru viðstaddir hluti starfsmanna Nýs Landspítala og fulltrúar úr stjórn félagsins ásamt öðrum gestum. Fulltrúi Spital hópsins við athöfnina var Helga J. Bjarnadóttir, starfsmaður EFLU sem leiddi vinnuna fyrir hönd SPITAL hópsins. Fulltrúi sjúkrahórels var hótelstjóri sjúkrahórelsins, Sólrun Rúnarsdóttir, sem afhjúpaði skjöldinn.

Starfsmenn ráðgjafafyrirtækisins LAdvice frá Svíþjóð heimsóttu framkvæmdasvæðið



Það viðraði vel til útiveru þegar sænski hópurinn kynnti sér framkvæmdasvæðið

Nýlega komu í heimsókn starfsmenn frá sænska ráðgjafafyrirtækini LAdvice sem meðal annars vinnur við ráðgjöf í tengslum við stefnumótandi fjárfestingum á Stokkhólmsvæðinu. Hluti hópsins starfar sem ráðgjafar og stjórnendur í framkvæmdum við nýbyggingu Ersta Diakoni á Södermalm í Stokkhólmi. LAdvice ber þar meðal annars ábyrgð á öllum MT (lækningatækni). Einnig er LAdvice með ráðgjöf á Danderyd sjúkrahúsini.

Gísli Georgsson, verkefnastjóri, kynnti stöðu byggingaverkefnisins með áherslu á tæknimál nýs spítala. Að því loknu var farið í skoðunarferð þar sem Steinar Þór Bachmann, verkefnastjóri, sýndi gestum framkvæmdasvæðið og var almenn ánægja gesta með heimsóknina.

Fulltrúar frá félagasamtökunum Spítalinn okkar heimsóttu framkvæmdasvæðið



Frá heimsókn félaga Spítalans okkar frá vinstri: Jón Ólafur Ólafsson, Gunnlaug Ottesen, Guðrún Ágústsdóttir, Anna Stefánsdóttir og Jóhannes M. Gunnarsson

Félagar í stjórn í félagasamtökunum Spítalinn okkar heimsóttu nýlega framkvæmdasvæðið við Hringbraut.

Framkvæmdastjóri Nýs Landspítala, Gunnar Svavarsson, kynnti stöðu byggingaverkefnisins og að því loknu var farið í skoðunarferð um framkvæmdasvæðið undir dyggri leiðsögn Hildar Hrólfsdóttur, umhverfis – og öryggisstjóra Nýs Landspítala.

Upsteypa meðferðarkjarna



Öryggisstoðir undir plötu yfir K2 (kjallara 2)



Gólfplata, veggir og rammar á K1 í austurenda meðferðarkjarna

Upsteypuverkefnið á nýjum meðferðarkjarna er að ganga vel, en aðalverktaki uppsteypu verksins er Eykt hf.

"Helstu verkþættir sem nú eru í gangi við uppsteypuna eru áframhaldandi vinna við mótauppslátt, járnabendingu, jarðskaut, fyllingar, lagnir í grunni og uppsetningu stálvirkis. Vinna við neðri kjallara er að klárast og vinna við botnplötur í efri kjallara er í fullum gangi. Vinna við frágang kjallaraveggja, fyllingar að þeim sem og fyllingar inn í rými er í fullum gangi. Vinna við uppsteypu veggja og súlna efri kjallara er u.p.b. hálfnuð. Eins er vinna við fyrstu súlur og ramma á 1.hæð hafin og mannvirkioð þar með farið að teygja sig upp úr grunninum og orðið vel sýnilegt.

Vinna við eftirspenntar plötur er hafin og búið að spenna upp fyrstu plötturnar og hefur sú vinna gengið mjög vel.

Vinna við stálvirki er hafin og búið að setja upp fyrstu súlur og bita.

Vinna við tengiganga fyrir norðan meðferðarkjarna er í fullum gangi.


Vinna við uppsteypu tengiganga milli meðferðarkjarna og rannsóknarhúss er að hefjast," segir Eysteinn Einarsson staðarverkfræðingur hjá NLSH.

Hér má sjá nýja yfirlitsmynd af framkvæmdasvæðinu tekna með dróna:

<https://youtu.be/rUCECnD4Tzo>

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið asbjorn@nlsh.is

Aðrar almennar upplýsingar veitir Magnús Heimisson samskiptastjóri NLSH, 866 1378 eða magnus@nlsh.is

Sértækar upplýsingar veitir af hálfu Landspítala Andri Ólafsson 863 8595 andriol@landspitali.is og frá Háskóla Íslands Björn Gíslason 896 0876 bgisla@hi.is